

開縣李尚書政書

冊五

開縣李尙書政書卷七

兩江書下

禁止鎮江出都天會札

爲札飭嚴禁事照得迎神賽會例禁綦嚴本部堂訪聞鎮江地方於每年四月間俗尙迎賽都天會遠近居民聞風畢集充塞道路甚至迎賽燈會徹夜喧闐推原其故無非爲祈福免禍起見查該處係水陸衝衢五方雜處迎會之時奸宄尤易混跡卽如上年四月正值會期鎮江西門外屢次失火類皆匪徒所爲乘機竊發雖由純參將稟經前署部堂何札飭示禁因爲時已遲該處士民又惑於祈福

之說未能遵辦須知禍福之來惟人自召果能存心向善
不祈福而福自來設竟作奸犯科法所不容神靈豈能默
佑本年迎賽之期屆計尙早應卽趕緊嚴行禁止以免再
蹈惡習倘因停止迎賽禍卽隨之本部堂實肇此端願以
身受該處士民毋庸過慮合亟札飭札到該道府卽便遵
照督縣立傳該處士民及各會首到案嚴切開導不准再
行迎會一面卽由該道府剴切出示曉諭俾共聞知倘敢
故違卽將各會首提案照例嚴辦毋稍姑容仍將遵辦緣
由具覆毋違特札

禁止節壽賀稟札

爲札飭轉行事照得本部堂祇承

恩命補授兩江責重事繁德薄能淺深恐措施或有未當耳目容有未周終日孜孜罔敢暇逸惟是地方之情形互異政事之得失靡常若鮮聞知奚臻治理查各省向屆節壽之期所屬文武各官輒以雙紅具稟祝賀於事則毫無實際論詞則近於鋪張嗣後應飭各該府州縣營汛一律刪汰繁文隨時將民間利弊及現辦各事宜營弁勤惰及操防各事宜據實詳陳以便察核勿再駢四儷六徒費浮詞爲此合亟札飭札到該司鎮等仰卽遵照轉飭毋違特

禁搶孀婦示

爲頒示嚴禁事照得本部堂訪聞淮海兩屬地方有孀婦自願守志往往被地方棍徒平空糾搶以致本婦不甘失節因而自盡甚或堅拒不從立被戕害惡習相沿深堪痛恨查婦女最重名節孀婦守志例准

旌表至聚眾夥謀搶奪婦女爲首者斬立決爲從者絞監候例有明條罪名極重亟應申明定例頒示嚴禁合行出示曉諭爲此示仰地方軍民人等知悉嗣後有婦女夫故自願守志地方棍徒如敢仍前強搶姦佔一經訪實或被告發定卽照例分別首從立予斬絞決不姑寬本部堂言

出法隨其各凜遵毋違特示

茲查文是重各員職守志附錄

因面自盡甚如望引不立短知書惡習
自願守志封封焚式掛貧平空條係以在本
冊示禁禁車照本塘堂前開並並兩風此
禁禁禁不

飭兩淮運司等禁收黑費札

爲特札飭禁事照得淮北三場各局前於同治五年經李
爵部堂批定將經費分別酌復黑費概行革除勒石永禁
在案乃日久玩生場局各員非但不能清潔自矢且又增
出名目任意需索本部堂蒞任後深知其弊密加訪查茲
已查有細數凡蓋印截角勾損三項均敢照舊收取又添
扛底幫項門丁書役等項中富局幫項一款逐年遞增竟
至每百引索錢至二千六百六十六文之多實堪痛恨太
平局等局局商亦有幫項帳房門房等費並有拉岸秤手
兩項索費更重拉岸每百引索錢四五千不等秤手每百

引索錢七千至十千不等尤屬可惡既已查有確據本應將場員局委局商分別撤參姑念該司先已派員會同分司查明詳請革除不爲已甚惟該分司能否遵照新定章程實心經理各場局能否恪遵功令不再格外需索局商票販有無私相授受情弊本部堂仍必隨時密訪該分司耳目較近如有聞見必須據實稟揭以免代人受過合行特札飭禁札到該司卽便嚴飭各印委並曉諭商販人等痛改前非力除積弊倘敢仍前需索一經覺發或被指告定行從嚴參辦該司該分司并干未便勿謂言之不預再該司將前詳所稱勾填一項應確查實給數目稟明酌留

等語並卽催令趕緊詳查勿稍朦混切切此札

飭兩淮及食岸各商販按引籌備河工札

爲札委事照得黃水全溜勢將南趨爲患不堪設想兩淮鹽場均處下游岌岌可慮亟須設法疏洩以衛淮鹺而安池竈又被水各州縣人民流離載道現飭淮揚道分別遣留並飭徐海道查勘撫卹仍須以工代賑藉拯災黎約計工賑所需總在百萬以外值此籌防喫緊本省釐金關稅支絀異常必須另籌巨款以濟要需因思兩淮運商票販及食岸各商人需樂利旁觀垂涎者眾噴有煩言本部堂無不力爲保全當此水患方殷各商販素顧大局當必有急公報効之忱共濟時艱兼可自安生業淮北各販祇捐

過小六堡工費每引一兩淮南各商祇捐過清水潭工費
每引自一兩四錢起至五錢不等食岸各商並未捐過今
北販據爲世業南商執票循環已近十年每票值銀五六
千兩儼然舊日根窩至於江甘江甯各食岸獲利尤厚若
各商販不於此時力圖報効何以安舊業而服人心本部
堂持平酌定此次捐數淮南應每引捐銀八錢淮北應每
引捐銀六錢照通綱額數按引捐繳仍仿照清水潭之例
奏請給獎以期踴躍該道熟悉情形應卽派委傳諭妥辦
合行札飭札到該道卽便馳赴揚州會同運司遴委妥員
傳知淮南北及食岸各商販遵諭報捐如有不願者卽將

引票註銷另招新商給票認辦不必稍有抑勒本部堂綜
理鹽政總以不改章不加引爲保護之計如欲籌餉第將
舊章略爲變通數百萬金何難立致所以僅令報効者仍
於籌款之中寓恤商之意此時水患較清水潭爲尤廣工
程較小六堡爲尤大各商販尤宜激發天良輸將恐後不
得稍存觀望仍將到場籌辦情形隨時稟核毋違特札

飭淮揚徐海兩道籌辦撫卹札

照得前因黃水擠清下注徐海各屬民田被淹經本部堂
札飭該道籌辦撫卹現在淮徐一帶糧價尙平亟應及早
採買茲本部堂札飭海分司於新綱鹽課內提借銀五萬
兩酌發徐海道銀四萬兩由該道遴選廉潔可靠之員分
赴各處採辦擇地堆儲一面勘明各屬被災輕重妥議章
程稟候核辦另發淮揚道銀一萬兩以備遣留之需此次
係水災非旱災如有家可歸者資遣回籍聽候撫卹如家
在水中者卽於清江一帶或多設粥廠或散給米糧由該
道酌量情形妥爲辦理惟不得散放錢文致滋弊端合亟

札飭札到該道即便遵照一俟海分司銀兩解到立即派
員分投趕辦務期實惠及民款不虛糜是爲至要切切特
札

山東河東總督臣李鴻章奏爲一萬兩以備賑恤之需批大
臣各該部知道欽此一面傳聞各該督撫又轉軍交籌章
兩部奏給欽此除四萬兩由該部撥發外其餘二萬兩
未及撥本衙堂外給道衣同欽派賑恤局內掛號正萬
兩給道直轄賑恤局并給給一帶賑局向平至應效早
照給道因黃水轉節不主給給各賑局因所給本衙堂
札飭各該部知道欽此